

ACORDO DE PRÓRROGA PARA O ANO 2024

CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E O INSTITUTO GALEGO DE XESTIÓN PARA O TERCEIRO SECTOR PARA A PROMOCIÓN DA INTEGRACIÓN SOCIOLABORAL E O APOIO NO TRÁNSITO DAS PERSOAS MOZAS EN SITUACIÓN DE VULNERABILIDADE A UNHA VIDA ADULTA INDEPENDENTE E AUTÓNOMA EN ZONAS NON URBANAS, NO MARCO DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA – NEXTGENERATIONEU.

No lugar e na data da sinatura dixital

A Consellería de Política Social e Igualdade ten asumida segundo o artigo 14. 1. b) do Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude, e ao amparo da disposición transitoria do Decreto 42/2024, do 14 de abril, a protección e a tutela das persoas menores en situación de risco ou desamparo nos termos establecidos no Código Civil, na Lei Orgánica 1/1996, do 15 de xaneiro, de protección xurídica do/da menor, de modificación parcial do Código Civil e da Lei de Axuizamento Civil e no ámbito da Comunidade Autónoma de Galicia a Lei 3/2011, do 30 de xuño, de apoio á familia e á convivencia de Galicia, o Decreto 42/2000 do 7 de xaneiro, polo que se refunde a normativa reguladora vixente en materia de familia, infancia e adolescencia, modificado polo Decreto 406/2003, do 29 de outubro, na Lei Orgánica 8/2015, de 22 de xullo de modificación do sistema de protección á infancia e adolescencia, a Lei 26/2015, de 28 de xullo de modificación do sistema de protección á infancia e á adolescencia e na Lei Orgánica 8/2021 do 4 de xuño, de protección integral á infancia fronte á violencia.

O Instituto Galego de Xestión para o Terceiro Sector é unha entidade sen ánimo de lucro, no senso establecido no artigo 35 do Código Civil, que se rexe polos seus estatutos e pola Lei orgánica 1/2002, do 22 de marzo, reguladora do dereito de asociación e demais normativa aplicable. Está inscrita no Rexistro Único de Entidades Prestadoras de Servizos Sociais da Consellería de Política Social e Igualdade co número E-4587 e no Rexistro Xeral de Asociacións da Xunta de Galicia co número 2001/000621-1(sc).

Ten como finalidade, entre outras das descritas nos seus estatutos, o deseño, supervisión e execución directa de programas dirixidos á atención de colectivos en risco de exclusión social ou desamparo, especialmente no eido da infancia e a xuventude e das persoas maiores, e das problemáticas relacionadas con eses colectivos; prevención e consumo de sustancias aditivas, saúde mental, formación e orientación laboral, lecer, acceso á vivenda ou recurso para a vida independente.

Esta entidade leva máis de dúas décadas desenvolvendo programas de inserción sociolaboral de mozos e mozas en risco social, dirixido a persoas de entre 16 e 21 anos (excepcionalmente, ata os 25) que estean ou estiveran baixo tutela ou garda da Administración Pública, suxeitos a medidas xudiciais ou sexan usuarios doutros programas dependentes do órgano xestor e destinados á protección das persoas menores de idade.

Tendo en conta o que antecede, a Consellería de Política Social e Igualdade considera idóneo o impulso ao Instituto Galego de Xestión para o Terceiro Sector das actuacións que desenvolve para favorecer o tránsito das persoas mozas en situación de vulnerabilidade a unha vida adulta independente e autónoma nas contornas demográficamente desfavorecidas para o período de xaneiro a abril de 2024.



Co obxectivo de facilitar o tránsito á vida adulta das persoas mozas que estean ou estiveran baixo tutela ou garda da Administración Pública, suxeitos a medidas xudiciais ou sexan usuarios doutros programas dependentes do órgano xestor e destinados á protección das persoas menores de idade, procedan ou se trasladen a contornos rurais establécense as seguintes áreas xeográficas de actuación, no marco do seu proxecto de tránsito á vida adulta, autonomía e emancipación para persoas mozas en situación de vulnerabilidade, nas que se tivo en conta, tanto os seus datos demográficos, como pola súa capacidade de dar cobertura as necesidades das persoas mozas atendidas, na procura de frear a perda poboacional da dita area a través da empregabilidade dos/as mesmos/as na súa contorna:

a) Área occidental, que comprende os seguintes concellos:

Vilalba, Guitiriz, Begonte, Cospeito, Outeiro de Rei, Castro de Rei, Friol, Palas de Rei, Guntín, Antas de Ulla, Monterroso, Portomarín, Taboada, Chantada, O Saviñao, Carballedo, Beariz, O Irixo, Piñor, San Cristovo de Cea, Vilamarín, A Peroxa, Nogueira de Ramuín, Boborás, O Carballiño, Maside, Amoeiro, Esgos, Xunqueira de Espadanedo, Avión, Leiro, San Amaro, Punxín, Cenlle, Melón, Carballeda de Avía, Beade, Ribadavia, Arnoia, Cortegada, Castrelo de Miño, Toén, Taboadela, Paderne de Allariz, Baños de Molgas, Maceda, Allariz, Xunqueira de Ambía, Coles, Pereiro de Aguiar e San Cibrao das Viñas.

b) Área central, que comprende os seguintes concellos:

Castroverde, O Corgo, Baralla, O Páramo, Láncara, Paradela, Sarria, Samos, Triacastela, Bóveda, O Incio, Pantón; Monforte de Lemos, A Pobra de Brollón, Sober, Ribas de Sil, Parada de Sil, A Teixeira, Castro Caldelas e San Xoan de Río.

c) Área oriental, que comprende os seguintes concellos:

Quiroga, Vilamartín de Valdeorras, O Barco de Valdeorras, Rubiá, Pobra de Trives, Larouco, A Rúa, Petín e Carballeda de Valdeorras.

Nestas áreas levaranse a cabo os seguintes obxectivos.

a) Inserción laboral de rapaces/as tutelados/as, ex-tutelados/as e con medidas xudiciais.

b) Redución do descenso poboacional das zonas de atención, procurando que os/as rapaces/as atendidos fagan proxectos de vida nas áreas de traballo delimitadas.

O Instituto Galego de Xestión para o Terceiro Sector conta, na actualidade, cos recursos humanos e a estrutura necesaria para o desenvolvemento das actuacións subvencionables ademais dunha acreditada experiencia na súa realización, contrastada cos bos resultados acadados ao longo destes anos de colaboración. Tendo en conta as consideracións precedentes, pódese afirmar que non se atopa na nosa Comunidade Autónoma outra entidade que poida igualar estes aspectos e polo tanto considéraselle idónea pola a súa experiencia no ámbito da atención a persoas mozas a través do desenvolvemento na Comunidade Autónoma de Galicia de actuacións que favorecen a inserción laboral das persoas mozas ao sistema de protección, así como o seu tránsito á vida adulta, autónoma e independente.

A Consellería de Política Social e Igualdade considera prioritario potenciar este tipo de actuacións e está interesada en fomentar actividades directamente ligadas coa consecución do benestar das persoas mozas menores en situación de risco ou desamparo, a través da súa formación e cualificación profesional e cara á súa autonomía persoal mediante a promoción da súa integración



socio laboral das persoas mozas destinatarias, a través da información, formación, orientación, asesoramento e acompañamento individualizado ao longo do proceso e da mellora das súas habilidades persoais e sociais, da participación nos recursos sociais normalizados e na vida cultural e social do entorno, fomentando os vencellos co seu ámbito físico e xeográfico.

A Consellería de Política Social e Igualdade considera de especial importancia favorecer as actuacións do Instituto Galego de Xestión para o Terceiro Sector no eido descrito neste expoñendo a través da concesión directa dunha subvención pública.

A concesión da subvención directa a través deste convenio financiarase con fondos do Mecanismo de Recuperación e Resiliencia da Unión Europea, establecido polo Regulamento (UE) 2020/2094 do Consello, do 14 de decembro de 2020, polo que se establece un Instrumento de Recuperación da Unión Europea para apoiar a recuperación tras a crise da COVID-19, está regulado segundo o Regulamento (UE) 2021/241, do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia (MRR), Decisión do Consello de Europa, do 16 de xuño de 2021, polo que se aproba o o Plan de Recuperación, Transformación e Resiliencia de España (PRTR), o Real decreto lei 36/2020, do 30 de decembro, polo que se aproban medidas urxentes para a modernización da Administración pública e para a execución do PRTR, a Lei 9/2021, do 25 de febreiro, de simplificación administrativa e de apoio á reactivación económica de Galicia, a Orde HFP/1030/2021, do 29 de setembro, pola que se configura o sistema de xestión do PRTR, Orde HFP/1031/2021, do 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico e Local para o seguimento do cumprimento de fitos e obxectivos e de execución orzamentaria e contable das medidas dos compoñentes do PRTR e o Regulamento (UE, Euratom) 2018/1046, do 18 de xullo de 2018, do Parlamento Europeo e do Consello, sobre as normas financeiras aplicables ao orzamento xeral da Unión, polo que se modifican os Regulamentos (UE) nº.1296/2013, (UE) nº. 1301/2013, (UE) nº. 1303/2013, (UE) nº. 1304/2013, (UE) nº. 1309/2013, (UE) nº. 1316/2013, (UE) nº. 223/2014 e (UE) nº. 283/2014 e a Decisión nº. 541/2014/UE e polo que se derroga o Regulamento (UE, Euratom) nº. 966/2012 (Regulamento Financeiro).

A concesión directa da subvención a través do convenio está amparada no proxecto número 7 (Modernización, dixitalización e mellora dos servizos de protección, atención e acollemento da infancia) incluído no anexo I do Convenio de colaboración entre o Ministerio de Derechos Sociales y Agenda 2030 e a Comunidade Autónoma de Galicia, asinado o 27 de agosto de 2021 e publicado no Boletín Oficial del Estado nº 230 do 25/09/2021, por Resolución do 11 de setembro de 2021 da Secretaría de Estado de Derechos Sociales, para a execución de proxectos con cargo aos fondos europeos procedentes do Mecanismo para a Recuperación e Resiliencia (MRR). Esta actuación encaixa na liña de investimento I2 (Plan de Modernización dos Servizos Sociais: Transformación tecnolóxica, innovación, formación e reforzo da atención á infancia) do Compoñente 22 "Plan de choque para a economía dos coidados e reforzo das políticas de igualdade e inclusión" do dito Plan de Recuperación, Transformación e Resiliencia.

No citado proxecto nº 7 inclúense actuacións para favorecer a transición á vida autónoma de mozos que forman parte do sistema de protección, prevendo accións que favorecen a transición á vida autónoma e inserción sociolaboral de persoas que saen do sistema de protección, co obxectivo de dotalos de ferramentas persoais suficientes para afrontar a emancipación con éxito e que se desenvolverá en zonas non urbanas e/ou pouco poboadas. O fito da Proposta de decisión de execución do Consello relativa á aprobación da avaliación do plan de recuperación e resiliencia de



España, de 16 de xuño de 2021, Comisión Europea COM(2021) 322, ao que contribúe é o Fito 325 (Execución de proxectos para a transformación tecnolóxica dos servizos sociais e para a modernización das infraestruturas e os servizos asociados á protección residencial e as familias de acollida), cuxo prazo de cumprimento previsto é o 4º trimestre de 2023.

Non obstante o anterior, ditouse o 9 de outubro de 2023 un anexo á antedita Proposta polo que se modifica a Decisión de Execución do Consello (UE) (ST 10150/2021; ST 10150/2021 ADD 1 REV 1), de 13 de xullo de 2021, relativa á aprobación da avaliación do plan de recuperación e resiliencia de España, en virtude do cal se estende o Fito 325 ata o 4º trimestre do 2025.

Con este obxecto asinouse o día 23 de abril de 2024 un convenio de colaboración entre o Instituto Galego de Xestión para o Terceiro Sector e a Consellería de Política Social e Igualdade.

Na cláusula décimo terceira do convenio establécese a vixencia ata o 30 de abril de 2024 e a posibilidade de prorrogalo por acordo expreso das partes por un período que non poderá ser superior a un mes, todo isto condicionado á existencia de crédito axeitado e suficiente no exercicio corrente.

Na súa virtude, e tendo en conta o importante labor que está a desenvolver esta institución na atención de menores, ambas as dúas partes, no nome e representación en que concorren e coa capacidade legal para este acto,

ACORDAN

Primeiro.- Prorrogar o convenio de colaboración asinado o 23 de abril de 2024. Esta prórroga entrará en vigor na data da súa sinatura e abranguerá as actuacións a desenvolver dende o 1 ao 31 de maio de 2024, nos termos e co alcance que figura no seu clausulado.

Segundo.- O importe previsto da prórroga do convenio de colaboración para o mes de maio de 2024 é de 41.367,60 €.

Este gasto financiarase con cargo á partida orzamentaria 38.02.312B.481.03 código de proxecto 2021 177 na que existe crédito axeitado e suficiente para este fin.

Para este convenio non se establece revisión do prezo.

E, en proba de conformidade, ambas as dúas partes asinan este acordo de prórroga do convenio de colaboración para o mes de maio de 2024, no lugar e na data da sinatura dixital.

Pola Consellería de Política Social e Igualdade
A conselleira

Polo Instituto Galego de Xestión para o
Terceiro Sector
O director

Fabiola García Martínez

Carlos Rosón Varela

